

Na osnovu člana 72. Zakona o javnim nabavkama Bosne i Hercegovine („Službeni glasnik BiH“ br. 39/14), člana 7. alineja b) Pravilnika o postupku direktnog sporazuma („Službeni glasnik BiH“ br. 90/14), člana 10.stav (1), alineja b) Pravilnika o postupku direktnog sporazuma KJU „Gerontološki centar“ Sarajevo i Odluke br. 12-858-2/18. od 22.06.2018.godine, ugovorne strane:

1. **KANTONALNA JAVNA USTANOVA „GERONTOLOŠKI CENTAR“ SARAJEVO**, ul Aleja Bosne srebrene br.7., registrovan kod Općinskog suda u Sarajevu, matični broj subjekta upisa: 65-05-0223-09 (stari broj 2-3), identifikacijski broj kod Porezne uprave FBiH Kantonalni ured Sarajevo 4200092250001, koga zastupa Direktor Ismet Skoko, mr.sci.ecc. (u daljem tekstu: Ugovorni organ)

i

2. **„ES HYDROTECHNICS“ d.o.o. iz Sarajeva, ul. Azize Šaćirbegović br.128.**, registrovan kod Općinskog suda u Sarajevu (matični broj subjekta upisa: 65-01-0572-11, stari broj 1-23692), identifikacijski broj kod Porezne uprave FBiH Kantonalni ured Sarajevo 4200520310006, identifikacijski broj obveznika PDV 200520310006, koga zastupa Direktor društva Gološ Emin, dipl.ing.građ. (u daljem tekstu: Izvršilac usluga)

Dana 22.06.2018.godine, u Sarajevu, zaključuju:

UGOVOR O IZVRŠENJU USLUGE

Član 1.

Ugovorne strane su saglasne da Izvršilac usluga za potrebe Ugovornog organa izvrši **uslugu izrade Glavnog projekta vanjskog vodovoda u prostornom obuhvatu stambeno poslovnih objekata KJU „Gerontološki centar“ Sarajevo**, a prema zahtjevu Ugovornog organa broj: 12-858-1/18 od 21.06.2018.godine i svojoj Ponudi br. P-06-042/18 od 21.06.2018. godine.

Član 2.

Ugovorne strane su saglasne da ukupna cijena usluge iz člana 1. ovog Ugovora iznosi **4.500,00 KM bez PDV-a, odnosno 5.265,00 KM sa PDV-om.**

Ugovorni organ se obavezuje da plaćanje za obavljene usluge izvrši na transakcijski račun Izvršioca usluga broj: **3389002206643504**, otvorenog kod UniCredit bank dd Sarajevo, i to avansno u iznosu od 50% od ukupne cijene usluge, a ostatak u roku od **10 (deset) dana** po prijemu fakture-računa za uredno izvršenu uslugu.

Ugovorena cijena usluga iz stava (1) ovog člana je fiksna i ne može se mijenjati do potpunog okončanja ugovorenih poslova i u slučaju eventualnih promjena cijena predstavljat će osnov za raskid ovog Ugovora.

Član 3.

Rok za izvršenje predmetne usluge je **26 (dvadesetšest)** radnih dana, u kom roku se Izvršilac usluge obavezuje da izvršiti sljedeće:

- 1) izvršiti detaljno geodetsko snimanje postojećih objekata, šahtova i cijelog terena,
- 2) izvršiti hidrauličke proračune potrebnih količina vode po objektima,
- 3) izvršiti obilježavanje trasa cjevovoda,
- 4) izraditi projekat cjevovoda i svih pripadajućih objekata, ako i spojeva na postojeće šahtove vode,
- 5) izraditi Glavni projekat internog vodovoda sa svim pripadajućim detaljima, tehničkim opisima i grafičkim priložima,
- 6) izdavanje predmetne dokumatacije u četiri printana primjerka i jedan digitalni primjerak (na CD-u).

Član 4.

Izvršilac usluga se obavezuje da će usluge iz člana 1. ovog ugovora obavljati blagovremeno, stručno i efikasno, u skladu sa zakonskim i drugim propisima iz predmetne oblasti, a u suprotnom slučaju, Ugovorni organ zadržava pravo da zahtijeva ponovno izvršenje usluga o trošku Izvršioca usluga ili Ugovorni organ će raskinuti ovaj Ugovor uz prethodno pismeno upozorenje Izvršiocu usluga na mogućnost raskida ugovora iz navedenih razloga.

Sve eventualne reklamacije za izvršene usluge koje su predmet ovog Ugovora, Ugovorni organ će dostaviti pismeno, najkasnije u roku od 5 dana od saznanja za eventualni nedostatak u izvršenju usluge.

Član 5.

Ukoliko u toku izvršenja ovog Ugovora nastupe okolnosti koje se u vrijeme zaključenja nisu mogle predvidjeti, a koje utiču na njegovo izvršenje, ugovorne strane će preispitati te okolnosti i sporazumno utvrditi novi rok za završetak ugovorenih obaveza.

Izvršilac usluga je dužan da o nastalim nepredviđenim okolnostima zbog kojih je ometen u izvršenju Ugovora odmah pismeno obavijesti Ugovorni organ.

Član 6.

Ukoliko Izvršilac usluga zakasni sa izvršenjem ugovorenih obaveza, dužan je platiti Ugovornom organu, za svako kašnjenje u izvršenju ugovorenih obaveza, ugovornu kaznu u iznosu od 2% od ugovorene vrijednosti usluge sa komom je zakasnio.

Ugovorni organ se obavezuje da Izvršioca usluga odmah obavijesti o svakom kašnjenju u izvršenju ugovorenih obaveza, na osnovu koje je Izvršilac usluga obavezan umanjiti iznos fakture za plaćanje u skladu stavom 1. ovog člana.

Ugovorne strane su saglasne da je za slučaj neizvršenja ugovorenih obaveza Izvršilac usluga dužan platiti Ugovornom organu, ugovornu kaznu u iznosu od 5% od vrijednosti ovog ugovora.

Pored prava iz stava 1., stava 2. i stava 3. ovog člana, Ugovorni organ ima pravo naknade štete, ako je ista prouzrokovana ovim neizvršenjem ili zakašnjenjem.

Član 7.

Ugovorni organ je dužan Izvršiocu usluga prilikom obavljanja ugovorenih usluga omogućiti nesmetan rad, te će Izvršiocu usluga staviti na raspolaganje svu dokumentaciju, koju posjeduje ugovorni organ, potrebnu za izvršenje predmetne usluge.

Član 8.

Ugovorni organ će imenovati lice koje će zajedno sa stručnim osobljem Izvršioca usluga kontaktirati u vezi sa svim radnjama potrebnim za vršenje predmetne usluge.

Član 9.

Ugovorne strane se obavezuju na pridržavanje zakonskih propisa, čuvanja poslovne tajnosti i pridržavanja poslovnih običaja.

Izvršilac usluga je dužan da obezbijedi da sve informacije i sva saznanja o poslovanju Ugovornog organa koje sazna u toku izvršenja ugovorenih usluga čuva kao poslovnu i profesionalnu tajnu.

Podaci za koje Izvršilac usluga sazna slučajno, po prirodi posla, također se smatraju poslovnom tajnom.

Član 10.

Ugovorne strane mogu ovaj Ugovor raskinuti i prije njegovog isteka ukoliko se jedna od ugovornih strana ne bude pridržavala odredaba istog, uz predhodno izmirenje svih ugovorenih obaveza.

Član 11.


Otkazni rok po ovom Ugovoru je 30 dana, od dana prijema pismenog obavještenja o otkazu Ugovora, a po isteku ovog roka, Ugovor se smatra raskinutim.

Član 12.

Sve eventualne sporove koji nastanu u toku realizacije ovog Ugovora, ugovorne strane će nastojati riješiti sporazumno, a ukoliko to ne bude moguće, za rješavanje sporova nadležan je sud u Sarajevu.

Član 13.

Ovaj Ugovor je sačinjen u četiri (4) istovjetna primjerka, od kojih svaka strana zadržava po dva (2) primjerka.



IZVRŠILAC USLUGA:

Broj: U-06-053/18

Sarajevo, 25.06.18



UGOVORNI ORGAN:

Broj: 12-858-4/18

Sarajevo, 22.06.2018.god.